

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
KANTONALNI SUD U BIHAĆU
Broj: 001-0-Su-20-000129
Bihać, 07.02.2020. godine

**IZVJEŠTAJ O RADU
KANTONALNOG SUDA U BIHAĆU ZA 2019. GODINU**

Sadržaj:

I - ORGANIZACIONA STRUKTURA SUDA	3
II - OSTVARENA NORMA	4
III - OSTVARENI KVALITET RADA	5
IV - OSTVARENI REZULTATI U POGLEDU BROJA RIJEŠENIH I NERIJEŠENIH PREDMETA	6
1. KRIVIČNI REFERAT	8
2. PARNIČNI REFERAT	8
3. PRIVREDNI REFERAT	9
4. UPRAVNI REFERAT	9
5. VANPARNIČNI REFERAT	10
6. ZEMLJIŠNOKNJIŽNI REFERAT	10
7. IZVRŠNI REFERAT	11
8. APELACIJE	11
V - UZROCI KOJI SU DOVELI DO ZNAČAJNIJIH PROMJENA U BROJU RIJEŠENIH/NERIJEŠENIH PREDMETA	12
VI - OSTVARENI REZULTATI U RADU NA STARIM PREDMETIMA	12
II - TRAJANJE POSTUPKA	15
<i>Analiza „perioda neaktivnosti“ u predmetima</i>	17
VIII - PREDMETI RATNIH ZLOČINA	17
IX - PREDMETI KORUPCIJE I ORGANIZOVANOG KRIMINALA	18
X - ZASTARA PREDMETA	18
XI - ZAKLJUČNA ZAPAZANJA O RADU I USLOVIMA RADA SUDA U 2019. GODINI	18
XII - PLANIRANE MJERE ZA POBOLJŠANJE	19

I - ORGANIZACIONA STRUKTURA SUDA

Pravilnikom o unutrašnjoj organizaciji Kantonalnog suda u Bihaću broj: 001-0-Su-17-001075 od 22.02.2018. godine i Pravilnikom o izmjenama i dopunama Pravilnika o unutrašnjoj organizaciji Kantonalnog suda u Bihaću broj:001-0-19-000703 od 15.10.2019. godine, utvrđeno je da Kantonalni sud u Bihaću poslove iz svoje nadležnosti obavlja putem dvije osnovne organizacione jedinice i to:

1. Odjeljenja sudaca: Krivično odjeljenje i Građansko odjeljenje
2. Odjeljenje sudske uprave koje u svom sastavu ima dvije unutrašnje organizacione jedinice: Pisarnicu i Računovodstvo i dva samostalna izvršioca i to: stručnog savjetnika za IKT i stručnog savjetnika-psihologa.

Prema odluci VSTV-a u sudu su sistematizovana mjesta za 18 (osamnaest) redovnih sudija i 10 (deset) dodatnih sudija, međutim već godinama ovaj sud ima dva dodatna suca, što sa 18 redovnih čini ukupan broj od ukupno 20 (dvadeset) sudaca. Na dan 31.12.2019. godine ovaj sud je imao 16 sudaca, od kojih 14 redovnih i dva dodatna suca.

Odjeljenje sudaca formirano je u skladu sa odredbom člana 16. Pravilnika o unutrašnjem sudskom poslovanju („Službeni glasnik BiH“, br. 66/12, 40/14, 54/17, 60/17 i 30/18) radi odlučivanja o stvarima iz iste ili više srodnih pravnih oblasti.

Sastav sudskih odjeljenja i utvrđivanje vrste predmeta kojima se suci zadužuju, sastav sudskih vijeća po odjeljenjima, imenovanje predsjednika odjeljenja, dežurnih sudaca, raspored stručnih saradnika, imenovanje suca koji će zamjenjivati predsjednika suda u slučaju odsutnosti, utvrđuje predsjednica suda Odlukom o godišnjem rasporedu poslova.

Poslove iz nadležnosti suda propisane članom 28. Zakona o sudovima u Federaciji Bosne i Hercegovine („Službene novine FBiH“, br.38/05, 22/06, 63/10, 72/10,7/13 i 52/14), u 2019. godini obavljala su dva odjeljenja sudaca i to: Krivično odjeljenje i Građansko odjeljenje.

Prema rasporedu poslova za 2019. godinu Krivično odjeljenje činila su tri suca sa tzv. „pridruženim članovima“, sucima iz građanskog odjeljenja, koji su učestvovali u radu krivičnih vijeća, odnosno dežurni suci za prethodni postupak; Građansko odjeljenje činilo je 13 sudaca (u radu ovog odjeljenja učestvuju i predsjednica suda i tri suca sa upravnog referata).

Početkom 2019. godine poslovi u sudu raspoređeni su na 15 sudaca (ubrojana je i predsjednica suda), od kojih 13 redovnih i dva dodatna suca. Od 01.02.2019. godine u ovaj sud imenovan je sudija Goran Majanović što je neminovno dovelo do intervencije u organizacionom smislu, te odstupanja od utvrđenog rasporeda poslova i sistemske raspodjele predmeta (kroz CMS), ali bez većeg uticaja na konačne rezultate rada. Intervencija predsjednice suda u raspored poslova/predmeta je bila nužna, a ima uporište u odredbi člana 25. stav 6. Pravilnika prema kojoj se utvrđeni raspored poslova može izmijeniti u toku godine.

Za obavljanje poslova osnovne djelatnosti, dopunske poslove osnovne djelatnosti i poslove pomoćnih djelatnosti u Sudu, Pravilnikom o unutrašnjoj organizaciji sistematizovano je ukupno 45 izvršilaca i to: 10 državnih službenika i 35 namještenika. Struktura državnih službenika i namještenika u sudu na dan 31.12.2019. godine, izgleda ovako: državnih službenika 6; namještenika 24 ili ukupno 30 državnih službenika i namještenika. Iako ima sistematizovana 4 izvršioca na poslovima stručnih saradnika sudaca, sud ima samo jednog stručnog saradnika, kao državnog službenika, koji je asistirao sucima.

Međutim, treba napomenuti da je u okviru projekta „Unapređenje rada na predmetima ratnih zločina u BiH“ IPA 2013 i IPA 2017 i finansijske podrške iz Grant sporazuma potpisanog između delegacije Evropske unije u BiH i Bosne i Hercegovine, sud na određeno vrijeme, radno angažovao dva sudska asistenta diplomirana pravnika sa položenim pravosudnim ispitom i dva daktilografa. Svoj maksimalni doprinos u krivičnim predmetima upravo su ostvarila dva stručna saradnika iz Projekta ratnih zločina.

Budžetom Unsko-sanskog kantona za 2019. godinu sudu su odobrena sredstva u ukupnom iznosu od 2.806 072,00 KM na pretpostavljeni broj od 53 zaposlenika. U pogledu materijalnog poslovanja sud se uklapa u okvire stavki dodijeljenih mu budžetskih sredstava.

II - OSTVARENA NORMA

Kolektivna norma ovog suda ostvarena u 2019. godini je 124,71 % (2018. godine je kolektivna norma bila 135,17%) što je izuzetno dobar rezultat.

Ostvarena norma po sucima predstavljena je u slijedećoj tabeli:

R/b	Ime i prezime suca	Funkcija	Procent orijentacione norme koju je nosilac pravosudne funkcije dužan ostvariti	Ukupno ostvarena orijentaciona norma u 2019. godini
1	Fata Nadarević	Predsjednica suda	30%	388,99%
2	Fikret Hodžić	Predsjednik odjeljenja	90%	108,93%
3	Reuf Kapić	Sudija	100%	101,30%
4.	Osman Alibabić	Sudija	100%	100,58 %
5.	Muhamed Cimirotić	Predsjednik odjeljenja	80%	133,70%
6.	Bahra Čoralić	Sudija	100%	104,64%
7.	Ilvana Pračić	Sudija	100%	106,19%
8.	Gara Šahinović	Sudija	100%	110,76%
9.	Edita Rekić-Midžić	Sudija	100%	117,58%
10.	Ernesa Hergić	Sudija	100%	114,36%
11.	Fikreta Hadžić	Sudija	100%	100,78%
12.	Edina Arnautović	Sudija	100%	108,25%
13.	Suada Kasum	Sudija	100%	89,52%
14.	Rusmira Kudić	Sudija	100%	90,03%
15.	Vlatka Ivaniš	Sudija	100%	106,71%
16.	Goran Majanović	Sudija	100%	113,12%

Ostvarena kolektivna norma na nivou suda, kao i individualna norma sudaca, pokazatelj je stalnog nastojanja da se ažurnost suda postavi na zavidan nivo. Ono što je bitno za istaći, je da su, Odlukom VSTV-a o upućivanju sudaca u drugi sud, broj: 06-07-3-966-12/2019 od 27.03.2019. godine, pojedine sudije ovog suda privremeno upućene na obnašanje dužnosti sudaca u Kantonalni sud u Mostaru. Iako sutkinje Suada Kasum i Rusmira Kudić, nisu ostvarile orijentacionu normu u ovom sudu u procentu 100%, one su zajedno sa riješenim predmetima iz Kantonalnog suda u Mostaru ostvarile ukupnu normu veću od 100%. Naime, sutkinja Suada Kasum ostvarila je normu u Kantonalnom sudu u Mostaru od 16,77%, tako da njena ukupna norma iznosi 106,29%, dok je sutkinja Rusmira Kudić u Kantonalnom sudu u Mostaru ostvarila normu od 15,97%, tako da njena ukupna norma iznosi 106,00%. Također, svoju ostvarenu normu u ovom sudu su, radeći na predmetima Kantonalnog suda u Mostaru, povećali i sudije Fikreta Hadžić za 4,04% i Goran Majanović za 1,42%.

III - OSTVARENI KVALITET RADA

Ukupan broj sudskih odluka na koje se može izjaviti pravni lijek, ukupan broj ožalbenih odluka, broj odbačenih pravnih lijekova, broj potvrđenih odluka, broj preinačenih odluka, broj preinačenih odluka nakon održanog glavnog pretresa, odnosno glavne rasprave pred drugostepenim sudom, broj ukinutih i djelimično ukinutih odluka predstavljaju parametre koji u međusobnom odnosu daju podatak o kvalitetu sudskih odluka ukupno, odnosno po pojedinim referatima.

Polazeći od navedenog, kvalitet sudskih odluka u 2019. godini je 79,58%.

Pokazatelj kvaliteta dat je u slijedećoj tabeli:

Godina	Broj donesenih odluka na koje se može izjaviti pravni lijek	Ukupan broj ožalbenih odluka	Broj odbačenih pravnih lijekova	Broj potvrđenih odluka	Broj preinačenih odluka	Broj preinačenih odluka donesenih nakon održane glavne rasprave ili pretresa pred drugostepenim	Broj ukinutih odluka	Broj djelimično ukinutih odluka	Kvalitet sudskih odluka
I	II	III=V+VI+V II+VIII+IX	IV	V	VI	VII	VIII	IX	X
2019	1795	253	137	161	31	0	60	1	79,58%
2018	1944	313	147	237	33	0	40	3	89,52%

Kvalitet sudskih odluka po vrstama predmeta/referatima:

Vrsta predmeta	Broj donesenih odluka na koje se može izjaviti pravni lijek	Ukupan broj ožalbenih odluka	Broj odbačenih pravnih lijekova	Broj potvrđenih odluka	Broj preinačenih odluka	Broj preinačenih odluka donesenih nakon održane glavne rasprave ili pretresa pred drugostepenim	Broj ukinutih odluka	Broj djelimično ukinutih odluka	Kvalitet sudskih odluka
Gradansko odjeljenje									
Gž	548	59	65	50	8	0	1	0	98,56%
Pž	91	12	6	7	2	0	3	0	78,69%
Rsž	173	6	27	6	0	0	0	0	100,00%
V	274	8	0	6	0	0	2	0	79,13%
U	449	77	36	32	15	0	30	0	66,53%
Ostalo	49	1	3	0	0	0	1	0	16,65%
Ukupno	1584	163	137	101	25	0	37	0	80,76%
Krivično odjeljenje									
K	54	36	0	20	4	0	11	1	69,87%
K-Rz	9	2	0	0	1	0	1	0	56,61%
Kv	116	47	0	38	1	0	8	0	84,70%
Kvl	5	4	0	2	0	0	2	0	51,70%
Kpp	18	1	0	0	0	0	1	0	16,06%
Ostalo	9	0	0	0	0	0	0	0	-
Ukupno	211	90	0	60	6	0	23	1	76,43%
U K U P N O:									
	1795	253	137	161	31	0	60	1	79,58%

Kvalitet sudskih odluka po nosiocima pravosudne funkcije:

Ime i prezime suca	Broj donesenih odluka na koje se može izjaviti pravni lijek	Broj odbačenih pravnih lijekova	Broj preinačenih, potvrđenih i ukinutih odluka	Broj potvrđenih odluka	Broj preinačenih odluka	Broj ukinutih odluka	Broj djelimično ukinutih odluka	Kvalitet sudskih odluka u 2019. godini	Kvalitet sudskih odluka u 2018. godini
Fata Nadarević	72	7	10	9	1			100,00%	100,00%
Fikret Hodžić	70		19	12	4	3		86,17%	90,00%
Reuf Kapić	89		25	14	2	9		68,40%	100,00%
Osman Alibabić	88		29	26		3		90,83%	83,30%
Muhamed Cimirotić	73	10	8	8				100,00%	97,00%
Bahra Čoralić	75	9	6	5	1			100,00%	100,00%
Ilvana Pračić	83	10	8	7	1			100,00%	100,00%
Gara Šahinović	107	9	9	7	1	1		90,62%	90,60%
Edita Rekić-Midžić	176	10	14	10	2	2		87,95%	100,00%
Ernesa Hergić	139	5	3	2	1			100,00%	100,00%
Fikreta Hadžić	183	23	13	11		2		87,04%	85,10%
Edina Arnautović	166	8	12	6	1	4	1	68,41%	79,70%
Suada Kasum	132	7	8	6	1	1		89,50%	97,20%
Rusmira Kudić	145		-					-	-
Vlatka Ivaniš	70	2	3	2	1			100,00%	-
Goran Majanović	127		-					-	-
Ostale sudije	-	37	86	36	15	35	0		-
Ukupno:	1795	137	253	161	31	60	1	79,58%	89,52%

Kako se vidi iz tabelarnog pregleda kvaliteta rada suda ukupno po vrstama predmeta i po nosiocima pravosudne funkcije, može se zapaziti manji pad kvalitete sudskih odluka kod određenog broja sudaca i znatno manji broj potvrđenih odluka u odnosu na taj broj u prethodnoj godini (161/237), ali i manji broj ukupno donesenih odluka po pravnom lijeku u odnosu na taj broj u prethodnoj godini (253/313). Međutim, u 2019. godini u odnosu na taj broj u prethodnoj godini, povećan je broj ukinutih odluka (60/40). Na lošiji procent kvaliteta sudskih odluka suda u 2019. godini u odnosu na 2018. godinu, između ostalog utjecala je i promjena Kriterija za obračun kvaliteta sudskih odluka (po novom 83% broj ožalbenih odluka + 17% broj donesenih odluka na koji se može izjaviti pravni lijek, dok je za 2018. godinu taj omjer bio 75%+25%). Također, od ukupno 60 ukinutih odluka, 35 odluka donijele su sudije kojima je prestao radni odnos u ovom sudu. Kada bi se gledao samo kvalitet odluka sudija koji trenutno obnašaju funkciju sudije, on bi bio 87,08% i bio bi neznatno manji od prošlogodišnjeg kvaliteta sudskih odluka.

IV - OSTVARENI REZULTATI U POGLEDU BROJA RIJEŠENIH I NERIJEŠENIH PREDMETA

Prema dobivenim statističkim podacima, sud je tokom 2019. godine imao u radu, ukupno 5124 predmeta, od toga 1791 predmet prenesen iz 2018. godine, a 3333 predmeta primljenih u izvještajnom periodu. Od ukupno 5124 predmeta u radu riješeno je 4003 predmeta ili 78,12% (2018 - 70,30 %) dok je na kraju godine ostao neriješen 1121 predmet ili 21,88 % (2018- 29,70 %).

Uporedni podaci protoka predmeta sa 2018.godinom prikazani su u slijedećoj tabeli:

Godina	Preneseno	Primljeno	Ukupno u radu	Riješeno	Neriješeno	Razlika
2019	1791	3333	5124	4003	1121	670
2018	2361	3664	6025	4234	1791	570

Može se uočiti da je procent realizacije u odnosu na ukupan broj predmeta u radu veći u 2019. godini u odnosu na 2018. godinu, iako je riješen manji broj predmeta (231 predmet). Razlika u broju neriješenih predmeta na kraju godine u odnosu na broj neriješenih predmeta na početku godine je znatno manja u 2019.godini (670 predmeta). Ove razlike mogu se objasniti prvenstveno smanjenim prilivom predmeta u 2019. godini za ukupno 331 predmet, a samim tim i smanjenim ukupnim brojem predmeta u radu (901).

U slijedećoj tabeli prikazana su najznačajnija odstupanja priliva predmeta u odnosu na 2018.godinu:

Referat	Primljeno u 2018. godini	Primljeno u 2019. godini	Razlika
Izvršni	514	482	- 32
Krivični	614	605	- 9
Parnični	799	796	- 3
Prekršajni	276	220	- 56
Privredni	126	115	- 11
Su-Ap	95	80	- 15
Upravni	658	471	- 187
Vanparnični	363	372	+ 9
Zemljišno-knjižni	219	192	- 27
U k u p n o:	3664	3333	- 331

Iz tabelarnog prikaza vidljivo je da je u 2019. godini u odnosu na 2018. godinu smanjen broj primljenih predmeta za ukupno 331 predmet i da je to smanjenje najviše izraženo na upravnom referatu (187 predmeta) i prekršajnom (56 predmeta). Neznatno povećanje predmeta u 2019. godini evidentno je samo na vanparničnim predmetima (9 predmeta).

Najznačajnija odstupanja u prilivu predmeta, vezano za vrste predmeta prikazana su u slijedećoj tabeli:

Vrsta predmeta-faza	Primljeno u 2018. godini	Primljeno u 2019. godini	Razlika
Ip-Pž	80	51	- 29
Mal-Gži	55	25	- 30
Rs-Rsž	152	103	- 49
Pr-Pžp	274	218	- 56
U-U	612	441	- 171
Dn-Gž	194	164	- 30
K-Kž	162	191	+ 29
P-Gž	454	503	+ 49

Gledano po vrstama predmeta, znatno je smanjen priliv predmeta je na referatima U-U, Pr-Pžp i Rs-Rsž, dok je neznatno povećan broj predmeta na K-Kž, P-Gž.

Posmatrano po referatima, rezultati rada suda su sljedeći:

1. KRIVIČNI REFERAT

Iz 2018. godine u 2019. godinu preneseno je 82 neriješena krivična predmeta, u 2019. godini ih je primljeno 605, pa je u radu bilo ukupno 687 predmeta, od kojih je 616 riješeno, a 71 predmet ostao neriješen, što je 11 neriješenih predmeta manje u odnosu na 2018.godinu.

U odnosu na vrstu predmeta rezultati rada su sljedeći:

Faza	Preneseno	Primljeno	Ukupno u radu	Riješeno	Neriješeno	Razlika
K-Iksž	0	12	12	12	0	0
K-K	25	31	56	31	25	0
K-Kbs	2	7	9	8	1	-1
K-Kp	0	4	4	4	0	0
K-Kpp	0	114	114	110	4	+ 4
K-Kps	16	24	40	29	11	- 5
K-Kv	10	143	153	145	8	- 2
K-Kvl	1	4	5	5	0	- 1
K-Kž	21	191	212	197	15	- 6
K-Kžk	0	2	2	1	1	+1
K-Mpom	7	70	77	71	6	- 1
Km-Kmž	0	3	3	3	0	0
Ukupno:	82	602	684	616	7	- 11

Suci Krivičnog odjeljenja riješili su i 211 predmeta prekršajnog referata od ukupno 230 predmeta koliko ih je bilo u radu, tako da je u 2019. godini ostalo neriješenih 19 predmeta, što je za 9 predmeta više, nego na kraju godine 2018. godine.

Faza	Preneseno	Primljeno	Ukupno u radu	Riješeno	Neriješeno	Razlika
Pr-Pžp	10	218	228	209	19	+ 9
Pr-Pžpm	0	2	2	2	0	0
Ukupno:	10	220	230	211	19	+ 9

2. PARNIČNI REFERAT

Najveći broj predmeta evidentiranih u ovom sudu odnosi se na drugostepene parnične predmete (radi se o drugostepenom postupku po žalbi na odluke općinskih sudova USK-a) zbog čega je ovom vrstom predmeta zaduženo deset sudaca iz Građanskog odjeljenja, koji uz ove predmete postupaju i u drugostepenim izvršnim, vanparničnim i zemljišnoknjižnim predmetima.

U radu na ovim predmetima, sa ravnomjernim udjelom u raspodjeli predmeta, učestvuje i predsjednica suda.

Prema dobivenim statističkim pokazateljima ukupan broj parničnih predmeta u radu bio je 1394 (preneseno iz 2018. godine 598 predmeta, primljeno u 2019. godini 796 predmeta), od

toga su u izvještajnom periodu riješena 984 predmeta, dok je 410 predmeta ostalo neriješeno. Na kraju 2019. godine ostalo je 188 predmeta manje neriješeno u odnosu na 2018.godinu.

Posmatrano po vrsti predmeta rezultati rada su slijedeći:

Faza	Preneseno	Primljeno	Ukupno u radu	Riješeno	Neriješeno	Razlika
Mal-Gvl	0	4	4	3	1	+1
Mal-Gvlž	1	3	4	2	2	+1
Mal-Gž	198	136	334	232	102	-96
Mal-Mož	1	0	1	1	0	-1
P-Gvl	2	15	17	14	3	+1
P-Gvlž	2	7	9	9	0	-2
P-Gž	251	503	754	499	255	+4
P-Mo	0	1	1	1	0	0
P-Mož	6	18	24	23	1	-5
Rs-Mož	0	4	4	3	1	+1
Rs-Rsvl	1	2	3	3	0	-1
Rs-Rsvlž	1	0	1	1	0	-1
Rs-Rsž	135	103	238	193	45	-90
Ukupno:	598	796	1394	984	410	-188

3. PRIVREDNI REFERAT

U oblasti privrednih sporova prema dobivenim statističkim podacima, stanje je slijedeće: iz 2018. godine je prenesen 81 predmet, u 2019. godini je primljeno 115 predmeta, pa je u radu bilo ukupno 196 predmeta. Od toga su riješena 148 predmeta, dok je 48 predmeta ostalo neriješeno, što je manje za 33 neriješena predmeta u odnosu na 2018.godinu.

Posmatrano po vrsti predmeta rezultati su slijedeći:

Faza	Preneseno	Primljeno	Ukupno u radu	Riješeno	Neriješeno	Razlika
L-Pž	1	0	1	1	0	- 1
Mals-Pvl	0	2	2	2	0	0
Mals-Pvlž	0	1	1	1	0	0
Mals-Pž	20	31	51	33	18	- 2
Ps-Mo	0	1	1	1	0	0
Ps-Mož	1	2	3	3	0	- 1
Ps-Pvl	0	1	1	1	0	0
Ps-Pvlž	0	1	1	1	0	0
Ps-Pž	53	62	115	86	29	- 24
Reg-Pž	3	6	9	9	0	- 3
St-Pž	3	8	11	10	1	- 2
Ukupno:	81	115	196	148	48	- 33

4. UPRAVNI REFERAT

Upravni spor predstavlja specifičnu vrstu sudske kontrole zakonitosti upravnih akata i zadire u brojne sfere interesa fizičkih i pravnih lica, zbog čega je rad na predmetima upravnog spora,

koji spadaju u prvostepenu nadležnost ovog kao i svih drugih kantonalnih sudova, veoma značajan i zavrjeđuje posebnu analizu. Pored parničnog, na ovom referatu je bilo najviše predmeta u radu.

U izvještajnom periodu sud je imao u radu, ukupno, 907 predmeta upravnog spora (preneseno iz 2018. godine 436 i primljeno u izvještajnom periodu 471); ukupno je riješio 747 predmeta dok je 160 predmeta ostalo neriješeno, što je za 276 predmeta manje neriješenih u odnosu na 2018.godinu.

Posmatrano po vrstama predmeta rezultat je slijedeći:

Faza	Preneseno	Primljeno	Ukupno u radu	Riješeno	Neriješeno	Razlika
U-U	423	441	864	709	155	- 268
U-Uvl	1	2	3	3	0	0
U-Uvp	11	22	33	31	2	- 9
U-Uz	1	6	7	4	3	+ 2
Ukupno:	436	471	907	747	160	- 276

Rasporedom poslova za 2019. godinu predmetima ovog referata bile su zadužene tri sutkinje. Pored toga, određeni broj predmeta je presigniran sudijama sa krivičnog referata koji su na početku godine imali najmanji broj predmeta u radu.

Pojačan rad na ovim predmetima uz smanjen priliv (187 predmeta manje u odnosu na 2018. godinu) ima za rezultat znatno manji broj neriješenih predmeta na kraju godine u odnosu na prethodnu godinu.

5. VANPARNIČNI REFERAT

Statistički pokazatelji na ovom referatu su slijedeći: od ukupno 511 predmeta u radu, (139 predmeta je preneseno iz 2018. godine, a u 2019. godini su primljena 372 predmeta) u izvještajnom periodu je riješeno 394 predmeta, a 117 predmeta nije riješeno, što je 22 neriješena predmeta manje u odnosu na 2018.godinu.

Posmatrano po vrstama predmeta rezultat je slijedeći:

Faza	Preneseno	Primljeno	Ukupno u radu	Riješeno	Neriješeno	Razlika
O-Gž	21	22	43	32	11	- 10
V-Gž	39	61	100	61	39	0
V-V	79	289	368	301	67	- 12
Ukupno:	139	372	511	394	117	- 22

6. ZEMLJIŠNOKNJIŽNI REFERAT

Statistički pokazatelji na ovom referatu su slijedeći: od ukupno 425 predmeta u radu, (233 su prenesena iz 2018. godine a u 2019. su primljena 192 predmeta) u izvještajnom periodu je riješeno 288 predmeta, a 137 predmeta nije riješeno. Na kraju godine ostalo je 96 neriješenih predmeta manje nego na kraju 2018.godine.

Posmatrano po vrstama predmeta rezultat je slijedeći:

Faza	Preneseno	Primljeno	Ukupno u radu	Riješeno	Neriješeno	Razlika
Dn-Gvl	1	0	1	1	0	- 1
Dn-GŽ	197	164	361	244	117	- 80
Dn-Pvl	0	1	1	1	0	0
Dn-PŽ	35	27	62	42	20	- 15
Ukupno:	233	192	425	288	137	- 96

7. IZVRŠNI REFERAT

Statistički pokazatelji na ovom referatu su slijedeći: od ukupno 694 predmeta u radu, (212 predmeta je preneseno iz 2018. godine a u 2019. godini su primljena 482 predmeta) u izvještajnom periodu je riješeno 535 predmeta, a 159 predmeta nije riješeno, što je za 53 neriješena predmeta manje nego na kraju 2018.godine.

Posmatrano po vrstama predmeta rezultat je slijedeći:

Faza	Preneseno	Primljeno	Ukupno u radu	Riješeno	Neriješeno	Razlika
I-GŽ	124	263	387	299	88	- 36
Ip-PŽ	32	51	83	65	18	- 14
Mal-GŽi	13	25	38	30	8	- 5
Mals-PŽip	0	4	4	3	1	+ 1
P-GŽi	24	91	115	89	26	+ 2
Ps-PŽip	3	8	11	8	3	0
Rs-RsŽi	10	25	35	26	9	- 1
V-GŽi	6	15	21	15	6	0
Ukupno:	212	482	694	535	159	- 53

8. APELACIJE

Tokom 2019. godine Ustavni sud Bosne i Hercegovine je:

- donio 23 odluke kojima se *ne usvaja* apelacija i to tako da je u 2 predmeta apelacije *odbacio*, a u 21 predmet apelacije *odbio*;
- donio 4 odluke kojima se apelacija *usvaja* (u 2018. godini bilo je 12 takvih odluka) – i sve su zbog povrede člana 6. Evropske konvencije za zaštitu ljudskih prava i osnovnih sloboda i člana II/3.e) Ustava BiH (pravo na pravično suđenje). U tri predmeta odugovlačenju postupka najviše je doprinio općinski sud, a u jednom predmetu ovaj sud.
- u 2 odluke, Ustavni sud BiH, odredio je naknadu nematerijalne štete apelantu, zbog kršenja prava na donošenje odluke u razumnom roku, u ukupnom iznosu od 1.575,00 KM što je znatno manje nego u 2018. godini kada je određena naknada nematerijalne štete u ukupnom iznosu od 21.825,00 KM.

V - UZROCI KOJI SU DOVELI DO ZNAČAJNIJIH PROMJENA U BROJU RIJEŠENIH/NERIJEŠENIH PREDMETA

U odnosu na 2018. godinu, u 2019. godini nije došlo do znatnijih promjena u broju riješenih predmeta, ali je zato znatno smanjen broj neriješenih predmeta koji je u odnosu na 2018. godinu smanjen za 670 predmeta. Uzrok ovome je evidentan trend smanjenja priliva predmeta koji se nastavio i u 2019. godini. U toku 2019 godine primljeno je 331 predmet manje nego u prethodnoj godini. U odnosu na 2018. godinu, u 2019. godini riješen je 231 predmet manje. Razlog ovome, je privremeni raspored pojedinih sudija ovog suda na rad u Kantonalni sud u Mostaru, tako da je pored 4003 riješena predmeta, ovaj sud riješio i 82 predmeta iz Kantonalnog suda u Mostaru, te s obzirom na ostvarenu kolektivnu normu od 124,71 %, ovaj broj riješenih predmeta predstavlja odličan rezultat.

VI - OSTVARENI REZULTATI U RADU NA STARIM PREDMETIMA

Starost predmeta ovog, kao drugostepenog suda, možemo posmatrati po dva kriterija: po godini formiranja u ovom sudu i prema godini stvarnog početka, odnosno prema starosti inicijalnog akta.

Ukoliko analiziramo starost predmeta po kriteriju godine formiranja na ovom sudu, pokazatelji su slijedeći:

Od ukupno 1791 predmeta prenesenog iz 2018. godine 1342 predmeta formirana su u toj godini; 404 predmeta su formirana u 2017. godini; 24 predmeta su formirana u 2016. godini; 3 predmeta su formirana u 2015. godini, dok je 18 predmeta formirano u ranijim godinama (2014-3; 2013-3; 2008-3; 2007-1; 2006-2; 2004-2; 2003-1; 2002-2 i 2000-1).

Broj primljenih predmeta tokom izvještajnog perioda je 3333 pa je ukupan broj predmeta u radu 5124.

Od ukupno *riješenih* 4003 predmeta, 2296 predmeta je formirano u 2019. godini; 1282 predmeta je formirano u 2018. godini; 399 predmeta je formirano u 2017. godini; 22 predmeta su formirana u 2016. godini; dok su 4 predmeta formirana u ranijim godinama (2014-2; 2013-1 i 2006-1).

Od ukupno neriješenih 1121 predmet koji su preneseni u 2020. godinu, 1037 predmeta je formirano u 2019. godini; 60 predmeta je formirano u 2018. godini; 5 predmeta je formirano u 2017. godini; 2 predmeta formirana su u 2016. godini; 3 predmeta u 2015. godini, a 14 predmeta formirano je u ranijim godinama (2014-1, 2013-2, 2008-3, 2007-1, 2006-1, 2004-2, 2003-1, 2002-2 i 2000-1).

Važno je napomenuti da su najstariji predmeti formirani kod ovog suda iz 2013. i ranijih godina ujedno i nerješivi predmeti iz krivične oblasti (ukupno 12 predmeta).

Prema kriteriju stvarnog početka, starosna struktura predmeta je slijedeća:

Od ukupno 1791 predmeta prenesenog na kraju 2018. godine, 539 su predmeti iz te godine; 385 predmeta je iz 2017. godine; 428 predmeta je iz 2016. godine; 204 predmeta su iz 2015. godine, 83 predmeta su iz 2014. godine, dok su 152 predmeta iz ranijih godina, od kojih je 31

predmet iz 2005. godine i stariji (2005-5; 2004-2; 2003-3; 2002-3; 2001-4; 2000-4; ranije godine 10 predmeta).

Od ukupno 3333 predmeta primljenih tokom 2019. godine, 1193 predmeta su iz te godine; 499 su predmeti iz 2018. godine; 431 su predmeti iz 2017. godine; 272 predmeta su iz 2016. godine; 290 predmeta su iz 2015. godine; 167 predmeta iz 2014. godine, a 481 predmet je iz ranijih godina, od kojih je 78 predmeta iz 2005. godine i ranije (2005-17; 2004-30; 2003-3; 2002-5; 2001-8; 2000-5; ranije godine 10 predmeta)

Starosna struktura *ukupnog broja predmeta u radu* - 5124, je slijedeća: 1193 predmeta su iz 2019. godine; 1038 predmeta je iz 2018. godine; 816 predmeta je iz 2017. godine; 700 predmeta je iz 2016. godine; 494 predmeta su iz 2015. godine; 250 predmeta je iz 2014. godine, dok su 633 predmeta inicirana ranijih godina, od kojih je 109 predmeta iz 2005. godine i ranije (2005-22; 2004-32; 2003-6; 2002-8; 2001-12, 2000-9 i ranije godine 20 predmeta).

Od ukupno *riješenih* 4003 predmeta, 890 predmeta je inicirano u 2019. godini; 802 inicirana su u 2018. godini; 555 inicirano je u 2017. godini; 577 inicirano je u 2016. godini; 415 inicirano je u 2015. godini; 226 je inicirano u 2014. godini, dok je 538 predmeta inicirano ranijih godina, od kojih su 82 predmeta iz 2005. godine i ranije (2005-19; 2004-26; 2003-4; 2002-6; 2001-8; 2000-5 i ranije 14 predmeta).

Od ukupno neriješenih 1121 predmet koji je prenesen u 2020. godinu, 303 predmeta su inicirana u 2019. godini; 236 predmeta u 2018. godini; 261 predmet u 2017. godini; 123 predmeta u 2016. godini; 79 u 2015. godini; 24 u 2014. godini i 95 predmeta iniciranih u ranijim godinama, od kojih je 27 predmeta iz 2005. godine i ranije (2005-3; 2004-6; 2003-2; 2002-2; 2001-4; 2000-4 i ranije godine 6 predmeta).

Iz naprijed navedenih podataka, evidentno je da je u 2019. godini smanjen broj neriješenih predmeta čiji je inicijalni akt iz ranijih godina (2013. godina i ranije godine, ukupno 95) u odnosu na 2018. godinu kada je neriješenih predmeta sa inicijalnim aktom 2013. godina i ranije godine bilo ukupno 152. Također, smanjen je i broj predmeta iz 2005 i ranijih godina (2018-31, a 2019-27 predmeta).

Jedan od razloga za veliki broj neriješenih predmeta čiji je inicijalni akt 2014. godina i ranije godine su i Planovi za rješavanje starih predmeta koje donose općinski sudovi na godišnjem nivou. Ovaj sud tokom cijele godine prima najstarije predmete općinskih sudova, a to je naročito izraženo u zadnjem kvartalu godine zbog povećanog priliva takvih predmeta. Primjera radi, od ukupno 798 neriješenih drugostepenih predmeta iz građanske oblasti (GŽ, Rsž i Pž koji čine 71% svih neriješenih predmeta suda) ukupno 92 neriješena predmeta su po datumu inicijalnog akta iz 2014 godine i stariji, a čak 86 tih predmeta je primljeno u periodu od 01.10. do 31.12.2019. godine, od kojih su 24 predmeta iz 2005. i ranijih godina. Većina ovih predmeta će biti uvrštena u Plan rješavanja starih predmeta ovog suda u prvom kvartalu 2020. godine. Drugi razlog su prvostepeni krivični predmeti koji su nerješivi zbog nedostupnosti optuženih, pa je tako od 19 neriješenih predmeta, koji su po inicijalnom aktu stariji od 2014. godine, njih 12 nerješivo.

Kao što je već pomenuto, starosna struktura predmeta u ovom sudu u direktnoj je vezi sa starosnom strukturom na prvostepenim - općinskim sudovima, zbog čega se dešava da je već prilikom prijema prvostepenog predmeta na postupak odlučivanja po pravnom lijeku, uveliko

premašen „razuman rok“ za donošenje odluke, iako predmet po kriteriju prijema u ovom drugostepenom sudu ne spada u red predmeta koje bi trebalo prioritarno uzeti u rad.

Problem donošenja odluka u „razumnom roku“ najčešće je pitanje o kome odlučuje Ustavni sud BiH po apelacijama u kojima apelanti traže da se utvrdi ta povreda prava i da im se, shodno utvrđenom, prizna pravo na odgovarajuću naknadu.

Starost predmeta po inicijalnom aktu bila je povod da VSTV BiH, kroz interne propise, obaveže sudove da donose planove rješavanja (starih) predmeta na godišnjem, odnosno kvartalnom nivou i da se osigura njihova realizacija kroz stalno praćenje aktivnosti i poduzimanje odgovarajućih mjera, kako bi se broj starih predmeta sveo na razumnu mjeru.

Za razliku od ranijih godina, ovaj sud je, kao drugostepeni sud, u obavezi da pored kvartalnih planova sačinjava i godišnji plan prvostepenih predmeta. Planovima rješavanja predmeta Kantonalnog suda u Bihaću tokom 2019. godine obuhvaćeno je ukupno 2269 predmeta. Od navedenog broja u posmatranom periodu riješeno ih je 2263, što znači da je plan realizovan 99,74% . Na kraju godine ostalo je neriješenih samo 6 krivičnih prvostepenih predmeta, koji nisu riješeni obzirom da se radi o složenim i obimnim predmetima, kada je u pitanju dokazni postupak i broj optuženih.

Rad na predmetima iz plana je prioritet svih sudaca u ovom sudu, kome se pristupa ozbiljno i odgovorno. Zbog toga se kontinuirano (mjesečno, tromjesečno, polugodišnje i godišnje) vrši analiza njegove realizacije. U posmatranom periodu samo tri suca, uglavnom zbog obimnosti dokaznog postupka, nije uspjelo plan realizovati 100% i to u neznatnom procentu (Fikret Hodžić 99,64%, Osman Alibabić 93,62% i Edina Arnautović 99,44%).

16 prvostepenih upravnih predmeta koji su bili uvršteni u plan, oglašeni su nerješivim zbog ocjene ustavnosti i zakonitosti Odluke o komunalnim taksama i nisu predmet ove analize.

Realizacija plana rješavanja starih predmeta je predmet posebnog izvještaja u kome su, osim za ovaj kantonalni sud, dati podaci i za općinske sudove sa područja Unsko-sanskog kantona.

Starosna struktura predmeta iz plana ovog suda data je u sljedećoj tabeli :

Referat	Broj sudija koji su obuhvaćeni planom	Inicirani 2019-2018.g.	Inicirani 2017.g.	Inicirani 2016.g. 2015. g	Inicirani 2014-2011.g.	Inicirani 2010-06.g.	Inicirani 2005.-i ranije.	Ukupno
Izvršni	9	3	25	100	127	91	40	386
Krivični	4	59	26	33	5	1	3	126
Parnični	9	14	154	342	153	33	16	712
Prekršajni	3	47	22	5	-	-		74
Privredni	7	2	11	65	18	2	1	99
Upravni	6	490	62	5	17	1	-	575
Vanparnični	9	1	13	37	10	5	4	70
Zem.knjižni	9	29	50	144	4	-	-	227
Ukupno:	16	645	363	731	334	133	63	2269

II - TRAJANJE POSTUPKA

Prema statistici trajanja predmeta po referatima i vrstama predmeta u izvještajnom periodu je, ukupno riješeno 4003 predmeta (po svim referatima) u prosječnom vremenskom periodu od 192 dana.

Razvrstano po referatima, navedeni podatak izgleda ovako:

Referat	Broj riješenih predmeta	Prosječno trajanje (u danima)
Izvršni	535	161
Krivični	616	52
Parnični	984	298
Prekršajni	211	33
Privredni	148	253
Su-Ap	80	2
Upravni	747	200
Vanparnični	394	143
Zemljišno-knjižni	288	375

Posmatrano po vrstama predmeta, prosječno trajanje postupka je u neposrednoj vezi sa godinom iniciranja predmeta, pa je tako u 1 riješenom I-GŽ predmetu, iniciranom 2016. godine, postupak je trajao 799 dana; u 1 riješenom K-K predmetu iniciranom 2006. godine postupak je trajao 4862 dana, a jednom iz 2013. godine postupak je trajao 2185 dana; postupak u 1 riješenom predmetu Mal-GŽ, iniciranom 2016. godine postupak je trajao 773 dana; postupak u 1 riješenom predmetu P-GŽ, iniciranom 2016. godine je trajao 746 dana; postupak u 4 riješena predmeta Rs-Rsž iniciranim u 2016. godini trajao je u prosjeku 795 dana; postupak u 2 riješena predmeta U-U inicirana 2014. godine trajao je u prosjeku 1571 dan, u 4 riješena predmeta iz 2016. godine postupak je trajao u prosjeku 1070 dana, itd.

Razlog za veću dužinu trajanja pojedinih drugostepenih građanskih predmeta je taj što su ti predmeti duži vremenski period bili nerješivi zbog određenih zakonskih i procesnih smetnji.

U kontekstu praćenja vremena trajanja predmeta vršeno je i praćenje provođenja odluke o poštivanju optimalnih i predvidivih rokova, kako slijedi:

Na osnovu parametara datih u CMS-u: broj neriješenih predmeta, optimalni rok, broj sudaca, orijentaciona norma i vrijeme za zastaru predmeta, ovaj je sud izradio Odluku o predvidivim rokovima za 2019. godinu, a u posebnom izvještaju za period od 1.1. do 31.12.2019. godine data je analiza poštivanja optimalnih i predvidivih rokova po vrstama predmeta.

Na upravnim predmetima (U-U) još uvijek je optimalni rok (135 dana) znatno manji u odnosu na predvidivi rok iz odluke ovog suda (282 dana). Od ukupno riješenih predmeta upravnog spora – 710, 602 predmeta riješena su u predvidivom roku od kojih je 208 predmeta riješena u optimalnom roku, dok je 108 predmeta riješeno sa prekoračenjem predvidivog roka. Prosjek trajanja riješenih predmeta je 208 dana, što je ispod granice predvidivog roka, ali je još uvijek duže od optimalnog. Prosječno trajanje neriješenih predmeta na kraju perioda je 87 dana.

Na krivičnim predmetima (K-K) također je veliki raspon između optimalnog (88 dana) i predvidivog roka (424 dana), a prema statističkim podacima ovi predmeti su rješavani,

prosječno, u roku od 375 dana što je ispod predvidivog roka. Međutim, prosječno trajanje neriješenih predmeta na kraju posmatranog perioda je 2382 dana, što samo potvrđuje u ranijim godinama isticane probleme sa kojima se sud susreće prilikom rada na ovim predmetima, kao što su: zakonske ili procesne smetnje za postupanje u pojedinim predmetima (nedostupnost osumnjičenog, odnosno optuženog, raspisane potjernice, dugo trajanje ekstradicionog postupka i sl.). Naime, od ukupno 25 neriješenih prvostepenih krivičnih predmeta (K-K), 10 predmeta ima status nerješivih, od kojih 9 predmeta je starosti od 2000. do 2008. godine.

Na predmetima K-Kps od ukupno riješenih 29 predmeta, 18 predmeta je riješeno u predvidivom roku (82), od kojih je 11 riješeno u optimalnom roku, dok je 11 predmeta riješeno sa prekoračenjem predvidivog roka. Prosječno trajanje riješenih predmeta je 91 dan, dok je prosječno trajanje neriješenih predmeta na kraju perioda 1042 dana. Razlog ovako dugog trajanja su zakonske ili procesne smetnje za postupanje po ovim predmetima. Naime, od ukupno 11 neriješenih predmeta K-Kps, 7 predmeta ima status nerješivih predmeta.

Na drugostepenim parničnim predmetima, angažovan je najveći broj sudaca ovog suda. Zbog toga je i najveći broj predmeta ovog referata riješen u predvidivom roku od 415 dana, dok je taj rok prekoračen u 332 predmeta. Od ukupno 925 riješenih predmeta, 593 predmeta riješena su u predvidivom roku, od kojih su 395 predmeta riješena u optimalnom roku (207 dana). Prosječno trajanje riješenih predmeta je 310 dana, što je ispod granice predvidivog roka ali je znatno iznad optimalnog roka. Prosječno trajanje neriješenih predmeta na kraju izvještajnog perioda je 169 dana.

U drugostepenim postupcima po žalbi u privrednim sporovima (Ps i Mals) od ukupno riješenih 121 predmet, 81 predmet riješen je u predvidivom roku od kojih je 48 predmeta riješeno u optimalnom roku, a 40 predmeta riješeno je sa prekoračenjem predvidivog roka. Prosječno trajanje riješenih predmeta je 287 dana, što je znatno ispod predvidivog roka (355 dana) ali još uvijek neznatno iznad optimalnog roka (187 dana). Prosječno trajanje neriješenih predmeta na kraju izvještajnog perioda je 130 dana.

Od ukupno 836 predmeta po žalbama u izvršnom i vanparničnom postupku (I,O,V,V1,V2) ukupno je riješeno 627 predmeta, 523 predmeta riješena su u predvidivom roku (od 432 dana), od kojih je 419 riješeno u optimalnom roku (136 dana), dok je 104 predmeta riješeno sa prekoračenjem predvidivog roka. Prosječno trajanje riješenih predmeta je 184 dana što je znatno ispod predvidivog roka. Prosječno trajanje neriješenih predmeta na kraju izvještajnog perioda je 128 dana.

Od ukupno 149 riješenih predmeta po žalbi na presudu u krivičnom postupku, 146 predmeta je riješeno u predvidivom roku (od 216 dana), od kojih su 143 predmeta riješena u optimalnom roku (od 158 dana), a tri predmeta sa prekoračenjem predvidivog roka. Prosječno trajanje riješenih predmeta je 61 dan, a neriješenih predmeta je 27 dana, što je znatno ispod optimalnog roka.

Za riješene ostale predmete po žalbi (u prekršajnom postupku; stečajnom postupku; postupak po žalbi protiv mjere osiguranja; postupku upisa u registar privrednih subjekata; na odluku o ponavljanju postupka-Gvlž ili Pvlž) može se izvesti jedinstven zaključak da je prosječno trajanje riješenih predmeta znatno ispod utvrđenog optimalnog roka, dok su ostali predmeti riješeni u predvidivim rokovima.

Analiza „perioda neaktivnosti“ u predmetima

Period „neaktivnosti predmeta“ izražen u krivičnim predmetima, posebno u predmetima ratnih zločina i predmetima korupcije, su uzrokovali već ranije navedeni problemi: odlučivanje o preuzimanju krivičnog gonjenja od strane nadležnih tijela drugih država, nedostupnost optuženih ili osumnjičenih i sl. Treba imati u vidu da uzrok za dugo trajanje postupaka, a koje se računa po kriteriju starosti inicijalnog akta, najčešće (sa izuzetkom predmeta prvostepene nadležnosti ovog suda) nije nastao kod ovog suda već kod prvostepenih sudova, pa kada im se doda vrijeme trajanja postupka odlučivanja po pravnom lijeku (drugostepena nadležnost ovog suda), onda trajanje postupka, generalno, može biti nesrazmjerno optimalnim i predvidivim rokovima. Također, dužina trajanja tzv. nerješivih predmeta neopravdano ulazi u prosječnu dužinu prekoračenja optimalnih i predvidivih rokova i drastično ih uvećava, a radi se o predmetima koji se zbog objektivnih razloga ne mogu riješiti, pa bi takve predmete trebalo izuzeti iz statističkih podataka koji se iskazuju za ostale predmete za koje se računaju prosječne vrijednosti prekoračenja rokova.

VIII - PREDMETI RATNIH ZLOČINA

Krivični predmeti ratnih zločina (K-RZ) su predmeti iz prvostepene nadležnosti ovog suda koji imaju posebnu težinu i značaj.

Na kraju 2018. godine 3 predmeta ratnih zločina je ostalo neriješeno i preneseno u 2019. godinu; u 2019. godini su primljena 3 predmeta pa je ukupno u radu bilo **6** predmeta ratnih zločina od kojih su 2 riješena (dvije osuđujuće presude), dok su 4 predmeta ostala neriješena. Od 4 neriješena predmeta 1 predmet je nerješiv.

Broj podignutih optužnica u predmetima ratnih zločina – Kps je sljedeći: preneseno iz 2018. godine 6 predmeta; primljeno u 2019. godini 4 predmeta; ukupno u radu **10** predmeta od toga riješeno je 6 predmeta (1 predmet preuzimanjem krivičnog gonjenja, 2 predmeta prekidom postupka zbog bolesti optuženika dok su tri predmeta prešla u sljedeću K fazu). Na kraju 2019. godine ostala su neriješena 4 predmeta, od kojih se u 3 predmeta ne može postupati zbog nedostupnosti optuženih za kojima je raspisana potjernica.

Zbog značaja predmeta ratnih zločina ovaj sud je u obavezi da Misiji OSCE-a u BiH i Nadzornom tijelu dostavlja periodične izvještaje o radu na predmetima ratnih zločina sa procjenom stanja i prijedlozima mjera za poboljšanje.

U kontekstu rada na predmetima ratnih zločina komponenta psihološke podrške žrtvama i svjedocima u potpunosti je implementirana pa je psiholog u ovom sudu pružio stručnu pomoć znatnom broju, kako žrtava kao oštećenih, tako i svjedoka pozvanih da pred sudom iznesu svoja sjećanja i iskustva vezana za ratna događanja, što je za većinu njih stresno i zahtijeva posebnu psihološku pripremu.

Na osnovu Uputstva za praćenje rada na predmetima ratnih zločina, a u skladu sa Pravilnikom o vremenskim okvirima za postupanje po predmetima u sudovima i tužilaštvima ovaj sud je bio u obavezi sačiniti Akcioni pregled K predmeta i Plan rješavanja Kps predmeta.

IX - PREDMETI KORUPCIJE I ORGANIZOVANOG KRIMINALA

Što se tiče krivičnih djela protiv službene i druge odgovorne funkcije, iz 2018. godine preneseno je 5 takvih predmeta, dok je u toku 2019. godine primljeno 5 predmeta tako da je u 2019. godini ovaj sud imao u radu ukupno **10** predmeta u kojima se optuženima stavlja na teret sljedeća krivična djela:

- člana 358. ranijeg KZ F BiH (zloupotreba položaja ili ovlaštenja) - **2** predmeta sa 10 optuženih, koji su ostali neriješeni na kraju 2019. godine, jer se radi o nerješivim predmetima zbog nedostupnosti optuženih za kojima je raspisana potjernica;
- člana 383. KZ F BiH (zloupotreba položaja ili ovlaštenja) - **2** predmeta sa 3 optužena lica koji su riješeni u toku godine, ali je **1** predmet za jedno lice ukinut na Vrhovnom sudu F BiH pa će se ponovni postupak voditi u toku 2020. godine;
- član 384. KZ F BiH (pronevjera u službi) – **3** predmeta sa 3 optužena lica od kojih su 2 predmeta riješena, a 1 predmet je ostao neriješen na kraju 2019. godine;
- član 340. KZ F BiH (udruživanje radi činjenja krivičnog djela) u vezi sa članom 383. KZ F BiH (zloupotreba položaja ili ovlaštenja) **1** predmet sa 4 optužena lica u kome je suđenje počelo tokom 2019. godine, a postupak još nije završen;
- član 342. KZ F BiH (organizirani kriminal) u vezi sa članom 383. KZ F BiH (zloupotreba položaja ili ovlaštenja) – **1** predmet sa 6 optuženih koji nije završen u 2019. godini ali se na predmetu kontinuirano radi.

Dakle, od ukupno 10 predmeta koji su bili u radu u 2019. godini, 4 predmeta su riješena, dok je 6 predmeta ostalo neriješeno, od čega su 2 predmeta nerješiva, dok će se u 4 predmeta postupak voditi u toku 2020. godine. Kako se radi o predmetima u kojima suđenje traje već duži vremenski period, može se očekivati da će biti i završeni u toku 2020. godine.

X - ZASTARA PREDMETA

Tokom izvještajnog perioda u ovom sudu nije bilo predmeta obustavljenih zbog zastare.

XI - ZAKLJUČNA ZAPAZANJA O RADU I USLOVIMA RADA SUDA U 2019. GODINI

Generalno gledano, rezultati rada ovog suda u 2019. godini su zadovoljavajući ako se ima u vidu ostvarena kolektivna norma od 124,71%, pokazatelj kvaliteta sudskih odluka od 79,59% i realizacija plana rješavanja (starih) predmeta od 99,74% i uslovima rada u 2019. godini sud može biti zadovoljan, obzirom da je od oktobra mjeseca 2018. godine sud smješten u novu zgradu suda u ul. 5. korpusa, tako da su sudijama i ostalim zaposlenicima obezbijeđeni svi uslovi za nesmetan rad. Iako je budžet suda za 2019. godinu planiran u realnim okvirima, bez megalomanskih zahtjeva i projekata, sud je godinu završio opterećen sa neizmirenim obavezama, nastalim i ranijih godina.

Sud ostvaruje dobru saradnju sa medijima kroz neposredne kontakte ili na način da im se omogući praćenje toka krivičnih postupaka za koje javnost pokazuje najveći interes.

Osim toga, rad suda je učinjen dostupnim javnosti putem internet stranice suda, a stranke nakon što dobiju jedinstveni pristupni kod, mogu neposredno vršiti uvid u sudske predmete u kojima imaju taj status (izuzetak su krivični predmeti).

Elektronička oprema, koja je uglavnom donirana, do sada je zadovoljavala potrebe ovog suda. Međutim, ona ima svoj vijek trajanja i već je potrebno planirati i osigurati sredstva za njenu zamjenu. Od strane VSTV-a BiH je u više navrata ovaj, kao i drugi sudovi, upozoravan na to da se ova oprema više neće osiguravati iz donacija i da je njena zamjena i održavanje isključivo stvar suda koji je koristi. S toga smo kroz Instrukcije broj 2. tražili da se u Budžetu za 2020. godinu, planira iznos od 71.000,00 KM za nabavku računara, računarske opreme i printera.

XII - PLANIRANE MJERE ZA POBOLJŠANJE

Kako je već u više navrata navedeno, rezultati rada suda su zadovoljavajući, što ne daje povoda samozadovoljstvu budući da ima dosta prostora za napredovanje.

Da bi ciljevi ovog suda bili ostvareni potrebna je, prije svega i unatoč svemu, odgovarajuća motivacija sudaca i njihov još veći angažman u radu na predmetima.

Da bi rezultati rada suda bili još bolji, odnosno odlični, poduzeće se slijedeće mjere:

- izvršiti raspored predmeta i referata po sucima, u skladu sa pokazateljima iz prethodne godine, a poštujući uputstva za izradu plana rješavanja predmeta;
- kontinuirano pratiti realizaciju rješavanja predmeta iz plana mjesečno, što je obaveza predsjednika odjeljenja, a tromjesečno na sjednicama stručnog kolegija;
- protiv sudaca za koje se na kraju prvog tromjesečja utvrdi da nisu riješili najstarije predmete odmah poduzeti odgovarajuće mjere;
- posebnu pažnju posvetiti predmetima koji se ponavljaju u planovima;
- pratiti predvidive rokove i predmete za koje se utvrdi da nisu riješeni u tim rokovima;
- raditi na finansijskoj stabilizaciji suda i u tom smislu pojačati saradnju sa resornim ministarstvima.

PREDSJEDNICA SUDA:
Fata Nadarević